


Հաստատված է

«Հայաստանի պետական տնտեսագիտական
համալսարան» պետական ոչ առևտրային
կազմակերպության գիտական խորհրդի
2022 թվականի հոկտեմբերի 13-ի N 2 - 3 որոշմամբ,
գիտական խորհրդի նախագահ, ռեկտոր



ԿԱՐԳ



Դ. Ռ. Գալոյան

13 հոկտեմբերի 2022 թ.

**«ՀԱՅԱՍՏԱՆԻ ՊԵՏԱԿԱՆ ՏՆՏԵՍԱԳԻՏԱԿԱՆ ՀԱՄԱԼՍԱՐԱՆ» ՊԵՏԱԿԱՆ
ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ՍԿՍՆԱԿ ԴԱՍԱԽՈՍՆԵՐԻ
ՄԵՆԹՈՐՈՒԹՅԱՆ ԿԱԶՄԱԿԵՐՊՄԱՆ**

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգը սահմանում է «Հայաստանի պետական տնտեսագիտական համալսարան» պետական ոչ առևտրային կազմակերպության (այսուհետ՝ ՀՊՏՀ) սկսնակ դասախոսների և ասպիրանտների համար մենթորների ընտրության, մենթորության կազմակերպման պայմաններն ու կարգը:
2. Սույն կարգի դրույթները տարածվում են ՀՊՏՀ ամբիոններում մենթորության գործընթացն իրականացնող պատասխանատուների և այն կառուցվածքային ստորաբաժանումների կամ անձանց վրա, որոնք զբաղվում են մենթորության գործընթացի կառավարմամբ:
3. Մենթորությունը բարձր որակավորում ունեցող, փորձառու դասախոսի աշխատանքն է սկսնակ դասախոսի կամ ասպիրանտի հետ, որը չունի բուհում դասավանդման աշխատանքային փորձ:

2. ՄԵՆԹՈՐՈՒԹՅԱՆ ՆՊԱՏԱԿՆԵՐԸ ԵՎ ԽՆԴԻՐՆԵՐԸ

4. Մենթորության նպատակն է օգնել և աջակցել ՀՊՏՀ սկսնակ դասախոսներին անհրաժեշտ մասնագիտական և մանկավարժական հմտությունների ձեռքբերման հարցում՝ դասավանդման և գիտական գործունեության մեջ ներգրավվելու համար:
5. Մենթորության հիմնական խնդիրներն են՝
 - 1) սկսնակ դասախոսների ադապտացումը, համալսարանի էթիկայի և ակադեմիական ազնվության կանոնների յուրացումը.
 - 2) սկսնակ դասախոսներին օգնության տրամադրումը՝ դասավանդման մեթոդաբանությունը յուրացնելու հարցում.
 - 3) սկսնակ դասավանդողի մասնագիտական մակարդակի բարձրացումը.
 - 4) ընտրված աշխատանքի նկատմամբ մոտիվացիայի բարձրացումը:

3. ՄԵՆԹՈՐՈՒԹՅԱՆ ԻՐԱԿԱՆԱՑՈՒՄԸ

6. Մենթորն ընտրվում է բարձր որակավորում ունեցող դասախոսներից՝ ամբիոնի առաջարկությամբ:
7. Մենթորի թեկնածությունն առաջադրում է համապատասխան ամբիոնը և ներկայացնում ռեկտորի հրամանագրմանը:
8. Մենթորությունն իրականացվում է սկսնակ դասախոսների նկատմամբ մեկ տարվա ընթացքում՝ սկսած նրա աշխատանքի անցնելու պահից:
9. Ամբիոնի մեկ մենթորին կցվում է չորսից ոչ ավելի սկսնակ դասախոս (կախված ամբիոնում սկսնակ դասախոսների թվից):
10. Սկսնակ դասախոսը կցվում է այլ մենթորի, եթե տվյալ մենթորի հետ լուծվում է աշխատանքային պայմանագիրը կամ մենթորի և սկսնակ դասախոսի միջև

առկա է աշխատանքային անհամատեղելիություն՝ մենթորի կամ սկսնակ դասախոսի դիմումի հիման վրա:

11. Մենթորության իրականացման նպատակով յուրաքանչյուր ուսումնական տարում կազմվում է աշխատանքային պլան, ըստ որի մենթոր դասախոսը պետք է աշխատի իրեն կցված սկսնակ դասախոսի(ների) հետ:
12. Սկսնակ դասախոսների հետ աշխատանքի արդյունքները ներկայացվում են ամբիոնի նիստին և ամփոփվում են ֆակուլտետի գիտական խորհրդի կողմից:
13. Որպես մենթոր ընտրվում են առավել մասնագիտացած, բարձր որակավորում և գիտական կոչում ունեցող դասախոսները, որոնք ունեն հաղորդակցման հմտություններ, դասավանդման և մեթոդական աշխատանքի առնվազն 5 տարվա փորձ:
14. Մենթորը նշանակվում է մենթորի և սկսնակ դասախոսի փոխադարձ համաձայնությամբ:
15. Մենթորությունը կազմակերպվում է բակալավրիատում դասավանդող՝
 - 1) նոր ընդունված դասախոսների համար, որոնք չունեն մանկավարժական գործունեություն իրականացնելու աշխատանքային փորձ, անկախ տարիքից.
 - 2) ասպիրանտների համար:
16. Մենթորի տարեկան բեռնվածության մեջ յուրաքանչյուր սկսնակ դասախոսի համար հատկացվում է 25 արտալսարանային ժամ:

4. ՄԵՆԹՈՐԻ ԵՎ ՍԿՍՆԱԿ ԴԱՍԱԽՈՍԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

17. Մենթորի պարտականություններն են՝
 - 1) սկսնակ դասախոսներին ծանոթացնել ՀՊՏՀ ակադեմիական կազմի գիտամանկավարժական գործունեությանը, դասընթացների կազմակերպման և իրականացման առանձնահատկություններին.

- 2) ուղղորդել դասախոսի պաշտոնի անձնագրին, ՀՊՏՀ գործունեության կարգերին ու կրթական ծրագրերին ծանոթանալու գործում.
 - 3) օգնել ուսուցման էլեկտրոնային հարթակներում նյութերի վերբեռնման, էլեկտրոնային մատյանների լրացման, ուսումնական գործընթացին վերաբերող փաստաթղթերի կազմման հարցերում.
 - 4) մեթոդական օգնություն ցուցաբերել դասախոսությունների նախապատրաստման, դիտողական նյութերի ընտրման և այլ հարցերում,
 - 5) նպաստել նոր տեխնոլոգիաների ներդրմանը ուսումնական գործընթացում.
 - 6) ծանոթացնել ուսանողակենտրոն կրթության իրականացման բազմաբնույթ բաղադրիչներին.
 - 7) այցելել սկսնակ դասախոսի դասերին՝ նրա աշխատանքի վերլուծության համար.
 - 8) ուղղորդել սկսնակ դասախոսին ինքնակրթման հարցում.
 - 9) սկսնակ դասախոսներին տրամադրել խորհրդատվություն, վերահսկել և գնահատել նրանց ինքնուրույն աշխատանքը, տալ հստակ առաջադրանքներ որոշակի ժամանակահատվածում իրականացնելու համար.
 - 10) բացահայտել և շտկել սկսնակ դասախոսի աշխատանքում առաջացած խնդիրները.
 - 11) սկսնակ դասախոսի մոտ զարգացնել մանկավարժական և մասնագիտական կարողություններն ու հմտությունները:
18. Մենթորն իրավունք ունի՝
- 1) ամբիոնի համաձայնությամբ՝ սկսնակ դասախոսի պատրաստման համար ներգրավել ամբիոնի այլ մասնագետների՝ այլ կարողություններ և հմտություններ ձևավորելու նպատակով.
 - 2) սկսնակ դասախոսից պահանջել աշխատանքային հաշվետվություններ բանավոր և գրավոր տեսքով.

- 3) առաջարկել ամբիոնին փոխել մենթորին:
19. Սկսնակ դասախոսի պարտականություններն են՝
- 1) ուսումնասիրել Հայաստանի Հանրապետության բարձրագույն կրթության ոլորտը կանոնակարգող օրենքները, կարգերը, նորմատիվային փաստաթղթերը.
 - 2) ծանոթանալ դասախոսի պաշտոնի անձնագրին և ՀՊՏՀ գործունեությունը կարգավորող կարգերին.
 - 3) սահմանված ժամկետներում կատարել մենթորի կողմից տրված առաջադրանքները.
 - 4) անընդհատ աշխատել մասնագիտական ունակությունների բարձրացման ուղղությամբ.
 - 5) յուրացնել դասավանդման առաջավոր մեթոդները և ձևերը:
20. Սկսնակ դասախոսն իրավունք ունի՝
- 1) համալսարանի ղեկավար կազմին ներկայացնել առաջարկություններ մենթորության աշխատանքներում բարեփոխումներ մտցնելու նպատակով.
 - 2) առաջարկել ամբիոնին փոխել մենթորին:

5. ՄԵՆԹՈՐՈՒԹՅԱՆ ՎԵՐԱՀՍԿՈՂՈՒԹՅՈՒՆԸ

21. Մենթորի աշխատանքը վերահսկում է համապատասխան ամբիոնի վարիչը, ֆակուլտետի դեկանը և ուսումնական աշխատանքների գծով պրոռեկտորը:
22. Մենթորության աշխատանքի կազմակերպումը և անմիջական վերահսկումը իրականացնում է տվյալ ամբիոնի վարիչը:
23. Մենթորության գործընթացը պարբերաբար քննարկվում է ամբիոնի նիստում: